


Ծրագրի ֆինանսական հաշվետվություններ և Անկախ աուդիտորի եզրակացություն

«Բարձրավոլտ Էլեկտրացանցեր» ՓԲԸ

Էլեկտրամատակարարման հուսալիության լրացուցիչ
ֆինանսավորում վարկային ծրագիր

Վարկ թիվ 8388-AM

2019թ. դեկտեմբերի 31-ի դրությամբ և այդ ամսաթվին ավարտված
տարվա համար



Բովանդակություն

Անկախ աուդիտորի եզրակացություն	3
Ֆինանսական վիճակի մասին հաշվետվություն	6
Ծրագրի ֆինանսավորման աղբյուրների և դրանց օգտագործման մասին հաշվետվություն	7
Ըստ Ծրագրի բաղադրիչների ֆինանսավորման օգտագործման մասին հաշվետվություն	8
Հատուկ հաշվի հաշվետվություն	10
Ծրագրի ֆինանսական հաշվետվություններին կից ծանոթագրություններ	11

Անկախ աուդիտորի եզրակացություն

Գրանթ Թորնթոն ՓԲԸ
ՀՀ, ք. Երևան 0012
Վաղարշյան 8/1
Հ. + 374 10 260 964
Ֆ. + 374 10 260 961

Grant Thornton CJSC
8/1 Vagharshyan Str.
0012 Yerevan, Armenia
T + 374 10 260 964
F + 374 10 260 961

«Բարձրավոլտ էլեկտրացանցեր» ՓԲԸ-ի բաժնետիրոջը

Կարծիք

Մենք աուդիտի ենք ենթարկել Վերակառուցման և Զարգացման Միջազգային Բանկի (ՎԶՄԲ) 8388-AM վարկային համաձայնագրի շրջանակներում ֆինանսավորվող ««Էլեկտրամատակարարման հուսալիության լրացուցիչ ֆինանսավորում»» վարկային ծրագրի (այսուհետ՝ Ծրագիր) ֆինանսական հաշվետվությունների աուդիտ, ընդ որում այդ հաշվետվությունները ներառում են 2019թ. դեկտեմբերի 31-ի դրությամբ ֆինանսական վիճակի մասին հաշվետվությունը, Ծրագրի ֆինանսավորման աղբյուրների և դրանց օգտագործման մասին հաշվետվությունը, ըստ Ծրագրի բաղադրիչների ֆինանսավորման օգտագործման մասին հաշվետվությունը և հատուկ հաշվի հաշվետվությունը 2019թ. դեկտեմբերի 31-ի դրությամբ և այդ ամսաթվին ավարտված տարվա համար, ինչպես նաև ծախսերի մասին հաշվետվությունը (ԾՄՀ), որը ներկայացվել է Համաշխարհային Բանկ՝ 2019թ. դեկտեմբերի 31-ին ավարտված տարվա համար՝ 8388-AM վարկային համաձայնագրի շրջանակներում համալրումները հիմնավորելու նպատակով, ինչպես նաև Ծրագրի ֆինանսական հաշվետվություններին կից ծանոթագրությունները՝ ներառյալ հաշվապահական հաշվառման նշանակալի քաղաքականության ամփոփ նկարագիրը:

Մեր կարծիքով, կից Ծրագրի ֆինանսական հաշվետվությունները տալիս են «Էլեկտրամատակարարման հուսալիության լրացուցիչ ֆինանսավորում» վարկային ծրագրի՝ 2019թ. դեկտեմբերի 31-ի դրությամբ ֆինանսական վիճակի և այդ ամսաթվին ավարտված տարվա ընթացքում ստացված ֆոնդերի և ճանաչված ծախսերի ճշմարիտ և իրական պատկերը՝ համաձայն ծանոթագրություն 2-ում նկարագրված հաշվապահական հաշվառման քաղաքականության, Վերակառուցման և Զարգացման Միջազգային Բանկի ուղեցույցների, 8388-AM վարկային համաձայնագրի համապատասխան հոդվածների:

Ի հավելումն, մեր կարծիքով ներկայացված ԾՄՀ-ները, ինչպես նաև դրանց պատրաստման համար ներդրված ներքին վերահսկողությունը և ընթացակարգերը կարող են վստահելի հիմք հանդիսանալ 8388-AM վարկային համաձայնագրի շրջանակներում համալրումների համար:

Կարծիքի հիմք

Մենք աուդիտի իրականացրել ենք աուդիտի միջազգային ստանդարտներին (ԱՄՍ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության՝ «Աուդիտորի պատասխանատվությունը Ծրագրի ֆինանսական հաշվետվությունների աուդիտի համար» բաժնում: Մենք անկախ ենք «Բարձրավոլտ էլեկտրացանցեր» ՓԲԸ-ից (այսուհետև՝ Ընկերություն)՝ համաձայն Հաշվապահների միջազգային դաշնության պրոֆեսիոնալ հաշվապահների վարքագրի (ՀՄԴ-ի

Վարքագիրը) և Հայաստանի Հանրապետությունում կիրառելի՝ ֆինանսական հաշվետվությունների աուդիտի նկատմամբ վարքագծի պահանջների, և մենք կատարել ենք վարքագծի նկատմամբ մեր մյուս պարտականությունները՝ այդ պահանջների համաձայն: Մենք համոզված ենք, որ ձեռք ենք բերել բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար:

Հանգամանքների շեշտադրում

- Մենք Ձեր ուշադրությունն ենք հրավիրում Ծրագրի ֆինանսական հաշվետվություններին կից ծանոթագրություն 2-ի վրա, որտեղ նկարագրվում է հաշվապահական հաշվառման հիմունքը: Ծրագրի ֆինանսական հաշվետվությունները պատրաստված են օժանդակելու Ընկերության ղեկավարությանը՝ Վերականգնման և Զարգացման Միջազգային Բանկի ֆինանսական հաշվետվությունների ներկայացման պահանջներին համապատասխանելու համար: Ուստի, Ծրագրի ֆինանսական հաշվետվությունները չեն կարող կիրառվել այլ նպատակով: Մեր կարծիքը չի ձևափոխվել այս հանգամանքի առնչությամբ:
- Մենք Ձեր ուշադրությունն ենք հրավիրում Ծրագրի ֆինանսական հաշվետվություններին կից ծանոթագրություն 3-ի վրա, որտեղ նշվում է, որ Ծրագրի փակման ամսաթիվը 2020թ. դեկտեմբերի 31-ն է: Մեր կարծիքը չի ձևափոխվել այս հանգամանքի առնչությամբ:
- Մենք ուշադրություն ենք հրավիրում Ծրագրի ֆինանսական հաշվետվություններին կից ծանոթագրություն 9-ի վրա, որտեղ ներկայացված է նոր տիպի COVID-19 հիվանդության տարածման ազդեցությունը: Սույն Ծրագրի ֆինանսական հաշվետվությունները չեն ներառում վերը նշվածի հնարավոր ազդեցությունը: Մեր կարծիքը չի ձևափոխվել այս հանգամանքի առնչությամբ:

Ղեկավարության և կառավարման օղակներում ներգրավված անձանց պարասխանաբարությունը Ծրագրի ֆինանսական հաշվետվությունների համար

Ընկերությունը պատասխանատու է սույն Ծրագրի ֆինանսական հաշվետվությունները ծանոթագրություն 2-ում նկարագրված հաշվապահական հաշվառման քաղաքականության, Վերականգնման և Զարգացման Միջազգային Բանկի ուղեցույցների, ինչպես նաև 8388-AM վարկային համաձայնագրի համապատասխան հոդվածների համաձայն պատրաստելու և արժանահավատորեն ներկայացնելու համար: Այդ նպատակով ղեկավարությունը սահմանում է անհրաժեշտ վերահսկողության համակարգ, որը թույլ է տալիս պատրաստել Ծրագրի ֆինանսական հաշվետվություններ, որոնք ազատ են խարդախության կամ սխալի արդյունքում էական խեղաթյուրումից:

Կառավարման օղակներում ներգրավված անձինք պատասխանատու են Ծրագրի ֆինանսական հաշվետվությունների կազմման գործընթացը վերահսկելու համար:

Աուդիտորի պարասխանաբարությունը Ծրագրի ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ Ծրագրի ֆինանսական հաշվետվությունները բոլոր էական առումներով զերծ են էական խեղաթյուրումներից՝ անկախ դրանց՝ խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորի եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և

համարվում են էական, երբ խելամտորեն կարող է ակնկալվել, որ դրանք առանձին կամ միասին վերցրած կազմեն Ծրագրի ֆինանսական հաշվետվություններն օգտագործողների՝ այդ Ծրագրի ֆինանսական հաշվետվությունների հիման վրա կայացվող տնտեսական որոշումների վրա:

ԱՄՍ-ների համաձայն իրականացրած աուդիտի ողջ ընթացքում մենք կիրառում ենք մասնագիտական դատողություն և պահպանում ենք մասնագիտական կասկածամտություն: Բացի այդ, մենք.

- Հատկորոշում և գնահատում ենք խարդախության կամ սխալի հետևանքով Ծրագրի ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար ու համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին վերահսկողության համակարգի չարաշահում:
- Ձեռք ենք բերում աուդիտին վերաբերող ներքին վերահսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու և ոչ թե Ընկերության ներքին վերահսկողության արդյունավետության վերաբերյալ կարծիք արտահայտելու համար:
- Գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կատարած հաշվապահական հաշվառման գնահատումների և կից բացահայտումների խելամտությունը:
- Գնահատում ենք Ծրագրի ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ բացահայտումները, ինչպես նաև Ծրագրի ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Այլ հարցերի հետ մեկտեղ մենք տեղեկացնում ենք կառավարման օղակներում ներգրավված անձանց աուդիտի առաջադրանքի պլանավորված շրջանակների և ժամկետների, ինչպես նաև աուդիտի ընթացքում հայտնաբերված նշանակալի հարցերի մասին, ներառյալ ներքին վերահսկողությանը վերաբերող նշանակալի թերությունները:

Արմեն Հովհաննիսյան
Տնօրեն

22 հունիսի 2020թ.



Էմիլ Վասիլյան
Առաջադրանքի պատասխանատու

Ֆինանսական վիճակի մասին հաշվետվություն

ԱՄՆ դոլար

	Ծանոթ.	2019թ. դեկտեմբերի 31-ի դրությամբ	2018թ. դեկտեմբերի 31-ի դրությամբ
Ակտիվներ			
Ծրագրի կուտակային ծախսեր		20,588,086	13,024,067
Կանխավճարներ	4	1,383,838	2,985,260
Մնացորդներ բանկերում		610	43,502
Ընդամենը ակտիվներ		21,972,534	16,052,829
Ֆոնդեր և պարտավորություններ			
Ծրագրի կուտակային ֆինանսավորում		21,025,736	14,113,210
Փոխարժեքային տարբերություն		14,234	19,587
Կրեդիտորական պարտքեր	5	932,564	1,920,032
Ընդամենը ֆոնդեր և պարտավորություններ		21,972,534	16,052,829

Ծրագրի ֆինանսական հաշվետվությունները հաստատվել են 2020թ. հունիսի 22-ին՝

Հայկ Հարությունյան

Գլխավոր տնօրեն



Գևորգ Մուրադյան

Հաշվապահական հաշվառման բաժնի պետ/
Գլխավոր հաշվապահ

Այս հաշվետվությունը պետք է ընթերցվի Ծրագրի ֆինանսական հաշվետվությունների բաղկացուցիչ մասը կազմող 11-ից մինչև 16-րդ էջերում ներկայացված կից ծանոթագրությունների հետ մեկտեղ:

Ծրագրի ֆինանսավորման աղբյուրների և դրանց օգտագործման մասին հաշվետվություն

2019թ. դեկտեմբերի 31-ի դրությամբ և նույն ամսաթվին ավարտված տարվա համար
ԱՄՆ դոլար

	Փաստացի		Պլանավորված		Տարբերություն		Ծրագիր
	Տարվա համար	2019թ. դեկտեմբերի 31-ի դրությամբ	Տարվա համար	2019թ. դեկտեմբերի 31-ի դրությամբ	Տարվա համար	2019թ. դեկտեմբերի 31-ի դրությամբ	
Ֆոնդերի աղբյուրներ							
ՎՀԱԲ վարկ թիվ 8388-AM (տե՛ս ծանոթ. 6)	6,530,799	19,422,736					
Կառավարության համաֆինանսավորում	381,727	1,588,089					
«Բարձրավոլտ էլեկտրացանցեր» ՓԲԸ ֆինանսավորում	-	14,911					
Ընդամենը	6,912,526	21,025,736					
Փոխարժեքային տարբերություն	(5,353)	14,234					
Նվազեցնել. ֆինանսավորման օգտագործում							
Ծրագրի Մաս Ա.2 և Մաս Բ-ի շրջանակներում ապրանքներ, աշխատանքներ, ոչ խորհրդատվական ծառայություններ, խորհրդատուների ծառայություններ, ներառյալ՝ դասընթացներ և աուդիտ, և Ծրագրի գործառնական ծախսեր	7,564,019	20,488,086	9,890,502	22,814,569	(2,326,483)	(2,326,483)	47,487,000
Սկզբնավճար	-	100,000	-	100,000	-	-	100,000
Ընդամենը	7,564,019	20,588,086	9,890,502	22,914,569	(2,326,483)	(2,326,483)	47,587,000
Շրջանառու կապիտալի զուտ աճ/(նվազում) (տե՛ս ծանոթ. 7)	(656,846)	451,884					

Այս հաշվետվությունը պետք է ընթերցվի Ծրագրի ֆինանսական հաշվետվությունների բաղկացուցիչ մասը կազմող 11-ից մինչև 16-րդ էջերում ներկայացված կից ծանոթագրությունների հետ մեկտեղ:

Ըստ Ծրագրի բաղադրիչների ֆինանսավորման օգտագործման մասին հաշվետվություն

2019թ. դեկտեմբերի 31-ի դրությամբ և նույն ամսաթվին ավարտված տարվա համար ԱՄՆ դոլար

	Փաստացի		Պլանավորված		Տարբերություն		Ծրագիր
	Տարվա համար	2019թ. դեկտեմբերի 31-ի դրությամբ	Տարվա համար	2019թ. դեկտեմբերի 31-ի դրությամբ	Տարվա համար	2019թ. դեկտեմբերի 31-ի դրությամբ	
Մաս 1: Էլեկտրահաղորդման ցանցի ամրապնդում	7,321,530	19,552,941	9,422,225	21,653,636	(2,100,695)	(2,100,695)	43,750,000
Մաս 2: Տեխնիկական օժանդակություն	242,490	935,146	468,277	1,160,933	(225,787)	(225,787)	3,737,000
Սկզբնավճար	-	100,000	-	100,000	-	-	100,000
Ընդամենը	7,564,019	20,588,086	9,890,502	22,914,569	(2,326,483)	(2,326,483)	47,587,000

Այս հաշվետվությունը պետք է ընթերցվի Ծրագրի ֆինանսական հաշվետվությունների բաղկացուցիչ մասը կազմող 11-ից մինչև 16-րդ էջերում ներկայացված կից ծանոթագրությունների հետ մեկտեղ:

ԾԱՀ ընթացակարգերով դրամական միջոցների ստացման դիմումներ

2019թ. դեկտեմբերի 31-ին ավարտված տարվա համար
ԱՄՆ դոլար

Դիմումի համար	Ծրագրի Մաս Ա.2 և Մաս Բ-ի շրջանակներում ապրանքներ, աշխատանքներ, ոչ խորհրդատվական ծառայություններ, խորհրդատուների ծառայություններ, ներառյալ՝ դասընթացներ և աուդիտ, և Ծրագրի գործառնական ծախսեր
DA-31	3,045
Ընդամենը	3,045

Այս հաշվետվությունը պետք է ընթերցվի Ծրագրի ֆինանսական հաշվետվությունների բաղկացուցիչ մասը կազմող 11-ից մինչև 16-րդ էջերում ներկայացված կից ծանոթագրությունների հետ մեկտեղ:

Հատուկ հաշվի հաշվետվություն

Վարկ թիվ 8388-AM

2019թ. դեկտեմբերի 31-ի դրությամբ և այդ ամսաթվին ավարտված տարվա համար ԱՄՆ դոլար

Ակզբնական մնացորդ. 2019թ. հունվարի 1-ի դրությամբ		43,502
Ավելացնել.		
Կուտակային չբացահայտված անհամապատասխանություն	-	
Վարկի համալրում տարվա ընթացքում	608,000	
	<u>608,000</u>	<u>608,000</u>
Նվազեցնել. Հատուկ հաշվից փոխհատուցում Վերականգնման և Զարգացման Միջազգային Բանկին տարվա ընթացքում		-
Հատուկ հաշվին կանխավճարով տրված գումարի ներկա մնացորդը (1)		<u>651,502</u>
Վերջնական մնացորդ. 2019թ. դեկտեմբերի 31-ի դրությամբ		610
Ավելացնել.		
Ժամանակաշրջանի ընթացքում վճարված ընդունելի ծախսերի գումար	650,892	
Ծառայության վճարներ (եթե առկա է)	-	
	<u>650,892</u>	<u>650,892</u>
Նվազեցնել. Ստացված տոկոսագումարներ (եթե կրեդիտագրվել են հատուկ հաշվին)		-
Ընդամենը հաշվառված կանխավճար (2)		<u>650,892</u>
Բացահայտման ենթակա անհամապատասխանություն (1) – (2)		-

Այս հաշվետվությունը պետք է ընթերցվի Ծրագրի ֆինանսական հաշվետվությունների բաղկացուցիչ մասը կազմող 11-ից մինչև 16-րդ էջերում ներկայացված կից ծանոթագրությունների հետ մեկտեղ:

Ծրագրի ֆինանսական հաշվետվություններին կից ծանոթագրություններ

1 Գործառնությունների բնույթը և ընդհանուր տեղեկատվություն

«Բարձրավոլտ էլեկտրացանցեր» ՓԲԸ (այսուհետև՝ Ընկերություն) ստեղծվել է ՀՀ Կառավարության 1998թ. հուլիսի 20-ի թիվ 450 որոշման հիման վրա «Բարձրավոլտ էլեկտրացանցեր» դուստր ձեռնարկությունը «Բարձրավոլտ էլեկտրացանցեր» պետական փակ բաժնետիրական ընկերության վերակազմավորման և ՀՀ Կառավարության 1999թ. նոյեմբերի 23-ի թիվ 709 որոշման հիման վրա «Էներգետիկ օբյեկտների մասնագիտացված պահպանություն» պետական փակ բաժնետիրական ընկերությունը վերակազմակերպելու միջոցով, «Բարձրավոլտ էլեկտրացանցեր» պետական փակ բաժնետիրական ընկերությանը միացման ճանապարհով: Ընկերությունը «Բարձրավոլտ էլեկտրացանցեր» դուստր ձեռնարկության, «Բարձրավոլտ էլեկտրացանցեր» պետական փակ բաժնետիրական ընկերության և «Էներգետիկ օբյեկտների մասնագիտացված պահպանություն» պետական փակ բաժնետիրական ընկերության իրավահաջորդն է:

Ընկերությունն իրականացնում է «Էլեկտրամատակարարման հուսալիության լրացուցիչ ֆինանսավորում» վարկային ծրագիրը (այսուհետև՝ Ծրագիր), որը ֆինանսավորվում է 2014թ. օգոստոսի 6-ին կնքված թիվ 8388-AM վարկային համաձայնագրով՝ ստորագրված Վերակառուցման և Զարգացման Միջազգային Բանկի (այսուհետև՝ ՎԶՄԲ) և Հայաստանի Հանրապետության միջև: Համաձայն ՀՀ Ֆինանսների նախարարության և Ընկերության միջև 2015թ. փետրվարի 2-ին ստորագրված ենթավարկային համաձայնագրի՝ ՀՀ Ֆինանսների նախարարությունը ՎԶՄԲ-ի կողմից 36,000,000 ԱՄՆ դոլար գումարի չափով տրամադրված վարկի գումարը փոխանցել (վերավարկավորել) է Ընկերությանը, որն էլ այդ միջոցները պետք է օգտագործի բացառապես Ծրագիրն իրականացնելու նպատակով:

Ծրագրի նպատակն է հաղորդիչ ցանցի հուսալիության բարձրացումն ու թողունակության մեծացումը:

Ծրագիրը բաղկացած է հետևյալ մասերից.

Մաս Ա. Էլեկտրահաղորդման ցանցի ամրապնդում

Ա.1. Աշխատանքների, ապրանքների և տեխնիկական աջակցության ապահովում
Հրազդանի ջերմային էլեկտրակայանից մինչ Ծինուհայրի ենթակայան գործող էլեկտրահաղորդման գծի փոխարինման, այդ թվում հողի ձեռքբերման ու վերաբնակեցման համար փոխհատուցման բողոքների ներկայացման մեխանիզմների ստեղծման նպատակով:

Ա.2. Աշխատանքների, ապրանքների և տեխնիկական աջակցության ապահովում (i) Հաղթանակ ենթակայանի հիմնանորոգման ու ընդարձակման և (ii) Զարենցավան-3, Վանաձոր-1 և Զովունի ենթակայանների հիմնանորոգման համար:

Մաս Բ. Տեխնիկական օժանդակություն

Ապրանքների և տեխնիկական աջակցության, Ուսուցանման և Գործառնական ծախսերի ապահովում Ընկերության համար, ուղղված իր կարողությունների ամրապնդմանը՝ էլեկտրահաղորդման ակտիվների շահագործման և պահպանության, տեխնիկական վերահսկողության, պլանավորման, գնումների, ֆինանսական կառավարման, Ծրագրի կառավարման ոլորտներում:

Ծրագրի ֆինանսավորումը բաղկացած է հետևյալ մասերից.

Հոդված	Վարկի հատկացված գումարը (արտահայտված ԱՄՆ դոլարով)	Ֆինանսավորման ենթակա ծախսերի տոկոսը (առանց հարկերի)
Ծրագրի Մաս Ա.2 և Մաս Բ-ի շրջանակներում ապրանքներ, աշխատանքներ, ոչ խորհրդատվական ծառայություններ, խորհրդատուների ծառայություններ, ներառյալ՝ դասընթացներ և աուդիտ, և Ծրագրի գործառնական ծախսեր	35,900,000	100%
Սկզբնավճար	100,000	
Ընդամենը	36,000,000	

Ընկերության իրավաբանական հասցեն է՝ ՀՀ, ք. Երևան, Զ. Անդրանիկի 1:

2 Պատրաստման հիմքերը

2.1 Համապատասխանություն

Ծրագրի ֆինանսական հաշվետվությունները պատրաստվել են հաշվապահական հաշվառման հաշվեգրման սկզբունքով, ինչպես նաև Վերակառուցման և Զարգացման Միջազգային Բանկի ուղեցույցի հոդվածների և թիվ 8388-AM վարկային համաձայնագրի համապատասխան պահանջների համաձայն: Կարևոր հաշվապահական հաշվառման քաղաքականությունները բացահայտված են ստորև:

2.2 Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (դրամ): Սույն Ծրագրի ֆինանսական հաշվետվությունները ներկայացված են ԱՄՆ դոլարով (ներկայացման արժույթ):

Ծրագրի ֆինանսական հաշվետվություններ պատրաստելիս ԱՄՆ դոլարից տարբեր այլ արժույթով իրականացված գործարքները գրանցվում են գործարքի նախորդ օրվա դրությամբ ՀՀ ԿԲ-ի կողմից հայտարարված հաշվարկային փոխարժեքով: Համաշխարհային բանկի միջոցներից Ծրագրի գործընկերներին կատարված ԱՄՆ դոլարից տարբեր այլ արժույթով արտահայտված ուղղակի վճարումները գրանցվում են client connection (<https://clientconnection.worldbank.org>) համակարգի փոխարժեքով: Յուրաքանչյուր հաշվետու ամսաթվի դրությամբ դրամական միջոցները, կանխավճարները և կրեդիտորական պարտքերը վերահաշվարկվում են՝ կիրառելով այդ ամսաթվի դրությամբ ՀՀ ԿԲ-ի կողմից սահմանված փոխարժեքը. 2019թ. դեկտեմբերի 31-ի դրությամբ 1 ԱՄՆ դոլարը կազմում է 479.7 ՀՀ դրամ (2018թ. դեկտեմբերի 31-ի դրությամբ 1 ԱՄՆ դոլարը կազմում է 483.75 ՀՀ դրամ): Փոխարժեքային տարբերությունը ճանաչվում է ծրագրի ֆինանսավորման աղբյուրների և դրանց օգտագործման մասին հաշվետվությունում և փոխարժեքային տարբերության կուտակված գումարը բացահայտվում է ֆինանսական վիճակի մասին հաշվետվությունում՝ «Փոխարժեքային տարբերություն» հոդվածում:

2.3 Ծրագրի ֆինանսավորում

Թիվ 8388-AM վարկային համաձայնագրի շրջանակներում հատկացված ֆինանսավորումը հաշվառվում է ֆինանսական վիճակի մասին հաշվետվությունում որպես «Ծրագրի կուտակային ֆինանսավորում» և ճանաչվում է յուրաքանչյուր համալրման ժամանակ: Ի լրումն՝ տարվա ընթացքում ստացված ֆոնդերը բացահայտվում են Ծրագրի ֆինանսավորման աղբյուրների և դրանց օգտագործման մասին հաշվետվությունում:

2.4 Ծրագրի ծախսեր

Ծրագրային ծախսերը ճանաչվում են հաշվեգրման սկզբունքով: Ծրագրի կուտակային ծախսերը բացահայտվում են ֆինանսական վիճակի մասին հաշվետվությունում՝ ակտիվներում: Ի հավելումն՝ ընթացիկ տարվա ծախսերը ներառվում են Ծրագրի ֆինանսավորման աղբյուրների և դրանց օգտագործման մասին և ըստ Ծրագրի բաղադրիչների ֆինանսավորման օգտագործման մասին հաշվետվություններում:

2.5 ՎՋՄԲ ֆինանսավորում

Վարկային համաձայնագրի համար ընդունելի ծախսերի ֆինանսավորման նպատակով Վերակառուցման և Զարգացման Միջազգային Բանկը վճարումներ է կատարում՝ օգտագործելով հետևյալ վճարման մեթոդներից մեկը կամ մի քանիսը.

ա) Հատուցում

Բանկը կարող է հատուցել փոխառուին՝ նրա սեփական միջոցներով կատարված ընդունելի ծախսերը ֆինանսավորելու նպատակով:

բ) Կանխավճար

Բանկը կարող է առհաշիվ վարկային վճարում կատարել փոխառուի հատուկ հաշվին՝ ընդունելի ծախսերը ֆինանսավորելու նպատակով և դրանց կատարմանը զուգընթաց, որոնց համար հիմնավորող փաստաթղթերը պետք է ներկայացվեն ավելի ուշ:

գ) Ուղղակի վճարումներ

Բանկը փոխառուի հայցով կարող է վճարումներ կատարել ուղղակիորեն երրորդ անձանց՝ ընդունելի ծախսերի դիմաց:

դ) Հատուկ պարտավորագրեր

Բանկը կարող է վճարումներ կատարել երրորդ անձին հատուկ պարտավորագրի շրջանակներում ընդունելի ծախսերի փոխհատուցման համար փոխառուի գրավոր հաստատված հայցով, որը համաձայնեցված է փոխառուի և Բանկի կողմից:

2.6 Կանխավճարներ

Կանխավճարները, որոնք բաղկացած են շինարարական աշխատանքների, ծառայությունների և ապրանքների դիմաց վճարված գումարներից, չափվում են անվանական արժեքով:

2.7 Կրեդիտորական պարտքեր

Կրեդիտորական պարտքերը ներառում են վճարվելիք գումարները, որոնք չափվում են անվանական արժեքով:

3 Ծրագրի փակման ամսաթիվ

Համաձայն վարկային համաձայնագրի՝ Ծրագրի վերջնաժամկետ է սահմանվել 2020թ. դեկտեմբերի 31-ը:

4 Կանխավճարներ

ԱՄՆ դոլար

	2019թ. դեկտեմբերի 31-ի դրությամբ	2018թ. դեկտեմբերի 31-ի դրությամբ
«Էֆասեկ Էնջենարիա Է Սիստեմաս Էս Էյ	1,034,466	1,048,102
«Կասկադ Էներգո ՍՊԸ	-	1,432,681
«Քսիան Էլեկտրիկ Էնջինիրինգ ՍՊԸ	258,626	355,386
«Կոնսուլեկտրա և Դեկոն Կոնսորցիում	-	46,622
Հայաստանի Հանրապետության պետական բյուջե	90,746	102,469
	<u>1,383,838</u>	<u>2,985,260</u>

Պետական բյուջե կատարված կանխավճարները ներկայացված են ստորև.

ԱՄՆ դոլար

	2019թ. դեկտեմբերի 31-ի դրությամբ	2018թ. դեկտեմբերի 31-ի դրությամբ
«Քսիան Էլեկտրիկ Էնջինիրինգ» ՍՊԸ (ոչ ռեզիդենտի շահույթահարկ)	90,746	89,986
«Կոնսուլեկտրա և Դեկոն» Կոնսորցիում (ոչ ռեզիդենտի շահույթահարկ)	-	10,634
Ավելացված արժեքի հարկ և այլն	-	1,849
	<u>90,746</u>	<u>102,469</u>

5 Կրեդիտորական պարտքեր

ԱՄՆ դոլար

	2019թ. դեկտեմբերի 31-ի դրությամբ	2018թ. դեկտեմբերի 31-ի դրությամբ
«Կասկադ Էներգո» ՍՊԸ	-	1,154,579
«Քսիան Էլեկտրիկ Էնջինիրինգ» ՍՊԸ	545,630	524,895
«Կոնսուլեկտրա և Դեկոն» Կոնսորցիում	145,450	-
«Էֆասեկ Էնջենարիա Է Սիստեմաս» Էս Էյ	205,122	240,558
Այլ	36,362	-
	<u>932,564</u>	<u>1,920,032</u>

6 Վարկ թիվ 8388-AM

ԱՄՆ դոլար

	2019թ. դեկտեմբերի 31-ին ավարտված տարի	2019թ. դեկտեմբերի 31-ի դրությամբ
Ուղղակի վճարումներ	5,922,799	11,658,736
ԾՄՀ ընթացակարգեր	3,045	10,299
Հատուկ հաշվի կանխավճար	608,000	7,664,000
Կանխավճարի մարում	(1,464,948)	(7,663,390)
Այլ ընթացակարգեր	1,461,903	7,653,091
Սկզբնավճար	-	100,000
	<u>6,530,799</u>	<u>19,422,736</u>

7 Շրջանառու կապիտալի զուտ աճ/(նվազում)

ԱՄՆ դոլար

	2019թ. դեկտեմբերի 31-ին ավարտված տարի	2019թ. դեկտեմբերի 31-ի դրությամբ
Բանկային մնացորդների աճ/(նվազում)	(42,892)	610
Կանխավճարների աճ/(նվազում)	(1,601,422)	1,383,838
Կրեդիտորական պարտքերի նվազում/(աճ)	987,468	(932,564)
	<u>(656,846)</u>	<u>451,884</u>

8 «Բարձրավոլտ էլեկտրացանցեր» ՓԲԸ կողմից ստացված գումարների և Համաշխարհային Բանկի փոխհատուցումների համադրում

Վարկ թիվ 8388-AM

2019թ. դեկտեմբերի 31-ին ավարտված տարվա համար

ԱՄՆ դոլար

Հոդված	Դիմում	Ընկերություն	ՀԲ	Տարբերություն
Ծրագրի Մաս Ա.2 և Մաս Բ-ի շրջանակներում ապրանքներ, աշխատանքներ, ոչ խորհրդատվական ծառայություններ, խորհրդատուների ծառայություններ, ներառյալ՝ դասընթացներ և աուդիտ, և Ծրագրի գործառնական ծախսեր				
	DA-24	1,639,144	1,639,144	-
	DA-25	731,772	731,772	-
	DA-29	1,160,663	1,160,663	-
	DA-30	1,731,438	1,731,438	-
	DA-31	1,464,948	1,464,948	-
	DA-32	659,782	659,782	-
		<u>7,387,747</u>	<u>7,387,747</u>	<u>-</u>
Հատուկ հաշվի կանխավճար/(մարում)				
	DA-23	17,000	17,000	-
	DA-26	426,000	426,000	-
	DA-27	145,000	145,000	-
	DA-28	20,000	20,000	-
	DA-31	(1,464,948)	(1,464,948)	-
		<u>(856,948)</u>	<u>(856,948)</u>	<u>-</u>
Ընդամենը		<u>6,530,799</u>	<u>6,530,799</u>	<u>-</u>

9 Հետհաշվեկշռային իրադարձություններ

2020թ. մարտ ամսին Առողջապահության համաշխարհային կազմակերպությունը 2019թ. դեկտեմբեր ամսին Չինաստանում բռնկված կորոնավիրուսը (COVID-19) դասակարգեց որպես համաճարակ: Կորոնավիրուսի բռնկման ազդեցությունը այս պահին անհայտ է: COVID-19-ի հետ կապված զարգացող իրավիճակը կարող է որոշակի ազդեցություն ունենալ Ընկերության գործունեության շարունակականության կամ գործառնականությունների ծավալի վրա: 2020թ. մարտի 16-ին Հայաստանի Հանրապետության կառավարությունը հայտարարել է երկրում արտակարգ իրավիճակ, որը կտևի մինչև 2020թ. հուլիսի 13-ը: Տվյալ Ծրագրի ֆինանսական հաշվետվությունները չեն արտացոլում վերը նկարագրվածի հնարավոր ազդեցությունը:

10 Լիկվիդացիոն վնասների գծով պարտավորություններ

Ընկերությունը, հղում տալով պայմանագրին, հաշվարկել է լիկվիդացիոն վնասների գծով պարտավորություններ այն մատակարարների համար, որոնք պայմանագրով սահմանված ժամկետներում չեն ավարտել աշխատանքները: Այս Ծրագրի ֆինանսական հաշվետվությունները չեն ներառում լիկվիդացիոն վնասների գծով պարտավորությունները: